



БЎЛАЖАК ТЕХНОЛОГИЯ ФАНИ ЎҚИТУВЧИЛАРИНИНГ КИЙИМЛАРНИ ЛОЙИҲАЛАШ ВА МОДЕЛЛАШТИРИШГА ОИД КОМПЕТЕНЦИЯЛАРИНИ РИВОЖЛАНТИРИШ ЗАРУРАТИ

DOI: <https://doi.org/10.53885/edinres.2021.37.65.017>

Sodiqova Aziza Hayitovna

*Бухоро давлат университети технологик таълим кафедраси
таянч докторанти*

Аннотация: мақолада бўлажак технология фани ўқитувчиларининг кийимларни лойиҳалаши ва моделлаштиришига оид компетенцияларини ривожлантириши зарурати, кийимларни лойиҳалаши ва моделлаштириши турушунчалари, компетенциявий ёндашувлар асосида ўқитиш имкониятлари, таълимнинг шакл ва воситалари, талабаларнинг кийимларни лойиҳалаши ва моделлаштиришига оид компетенцияларини ривожлантиришининг педагогик асослари, ўқув машгулотларини ўтказишида ва талабалар билимини назорат қуловчи ва баҳолашда компетенциявий ёндашувлар дидактик имкониятлари таҳлили келтирилган.

Калим сўзлар: бўлажак технология фани ўқитувчиси, кийимларни лойиҳалаши ва моделлаштириши, компетенция, касбий компетенция, баҳоловчи воситалар, таълим воситалари.

НЕОБХОДИМОСТЬ РАЗВИТИЯ КОМПЕТЕНТНОСТИ ПРЕПОДАВАТЕЛЕЙ БУДУЩИХ ТЕХНОЛОГИЙ В ДИЗАЙНЕ И МОДЕЛИРОВАНИИ ОДЕЖДЫ

Содикова Азиза Ҳайитовна

докторант кафедры технологическое образование, БухГУ

Аннотация: В статье рассматривается необходимость развития компетенций будущих учителей технологий в дизайне и моделировании одежды, концепции дизайна и моделирования одежды, возможности обучения на основе компетентностных подходов, формы и средства обучения, педагогические основы развития студентов. «Компетентность в конструировании и моделировании одежды» и анализ дидактических возможностей компетентностных подходов в оценивании.

Ключевые слова: будущий учитель технологий, дизайн и моделирование одежды, компетентность, профессиональная компетентность, инструменты оценки, учебные пособия.

THE NEED TO DEVELOP THE COMPETENCE OF TEACHERS OF FUTURE TECHNOLOGIES IN THE DESIGN AND MODELING OF CLOTHES

Sodiqova Aziza Hayitovna

Basic doctoral student (PhD) of the Department of «Technological education», Bukhara State University

Abstract: The article discusses the need to develop the competencies of future technology teachers in the design and modeling of clothing, the concept of design and modeling of clothing, training opportunities based on competence-based approaches, forms and means of teaching, pedagogical foundations of student development. «Competence in the design and modeling of clothing» and analysis of the didactic possibilities of competence-based approaches in assessment.

Keyword: future technology teacher, clothing design and modeling, competence, professional competence, assessment tools, teaching aids.

Бугунги кунда юртимизда амалга оширилаётган барча ислоҳотларнинг мақсади муносаб ҳаёт шароитларини яратиш, маънавий жиҳатдан баркамол етук ривожланган инсонни тарбиялаш, таълим ва тарбияни юксалтириш, миллий анаъналаримизга содик янги авлодни вояга етказиш давлатимизнинг энг муҳим вазифалардан бири ҳисобланади. Хусусан, олий ўқув юртларида, профессионал таълим тизимида, умумтаълим мактабларида, мактабдан ташқари муассасаларда фаолият юритувчи малакали кадрлар тайёрлаш долзарб вазифа ҳисобланади.

Шу жумладан олий таълим муассасалари «Технологик таълим» йўналишида таҳсил олаётган бўлажак технология фани ўқитувчиларининг кийимларни лойиҳалаш ва моделлаштиришга оид компетенцияларини ривожлантириш муҳим аҳамият касб этади. Технологик таълим ўқитувчисининг дарс машғулотларида, тўгарак ишларидаги олган чукур билимлари мустақил ишлаш, амалда қўллаш ва янги лойиҳаларни яратишларида, изланишларида катта аҳамият касб этади. Техник моделлаштириш ҳақидаги маълумотлар талабаларга тушунарли, кийим композициясининг асослари, хусусиятлари ва композиция воситалари, уй кийимини, кундалик ва башанг кийим моделларини лойиҳлаш ва моделлаштириш, бадиий безаш асослари инобатга олган ҳолда ўқитилиши лозим. Хусусан, Г.К.Хасанбаева, И.О.Кримова, Г.В.Скачкова, Л.В.Мартопляс, А.П.Рогова, Л.П.Шершневаларнинг ишлари ана шундай фаннинг назарий асосларини акс эттирган.

Амалий машғулотларда талабаларнинг ижодкорлик қобилияtlарини ривожлантириш, тадбиркорлик кўникмаларини шакллантириш,

кийим маданияти тушунчасини кенгайтириш, касбий билимларни чуқурлаштириш, кийимнинг асосий андозаларини тайёрлаш, моделлар яратиш, асосий андозалардан модел андозаларини чиқариш ва унга безаклар танлаш мазкур соҳанинг асосий мақсадидир.

Лойиҳалаш – бу мураккаб ижодий жараён бўлиб, унда ҳар қандай буюмнинг, жумладан, кийимнинг ҳам лойиҳасини ишлаб чиқиш кўзда тутилган. Кийимни лойиҳалаш деганда, кийимни ташкил этадиган деталлар ва материаллар комплекси, шунингдек уларни ўзаро улабтишиб, муайян ўлчовдаги ва шаклдаги яхлит буюм ҳолига келтириш усуллари, воситалари тушунилади. Лойиҳалаш жараёнида буюмнинг ҳажмли деталларини текисликдаги тасвирини ҳосил қилишдан иборат бўлади. Деталларнинг ўлчами, сони ва шакли улар йигилганда худди шу размер ва кўринишини беради.

Кийимларни лойиҳалашда гавдадан ўлчов олиш қоидалари ва ўлчовлар асосида буюм асос чизмасини чизиш, сўнг чизмадан андоза чиқариб тайёрлаш қоидаларини ўргатилади. Кийимни лойиҳалаш билан турли муассасалар шуғулланади. Булар - модалар уйи тикувчилик корхоналарининг экспериментал цехлари, маҳсус лойиҳалаш идоралари, илмий-текшириш институтлари ва лабораториялардир.

Кийимларни моделлаштиришда кийим моделини ижод қилиш ва асосий андозадан модел андозасини тайёрлаш йўллари ўргатилади. Бунда асос чизмасига эскиз бўйича модел чизиқлари киритилиб, янги модел андозаси ҳосил қилинади.

Кийимларни бадиий безашда эса кийимга турли безакларни кийим турига ва вазифасига қараб бериб, уларни безатиш йўллари ўргатилади. Бунда кийимнинг ассортиментига, газламасига, кийимнинг кимга мўлжалланганлигига қараб, безак элементини танлаш ижодий жараён эканлиги яққол кўринади.

Кийим одам ташқи қиёфасини ўзгартиришда катта роль ўйнайди. У қиёфани 60% гача ўзгартиради. Кийим кишининг бадиий дидини ифодалайди, маданий савиясини белгилайди, шахсни характерлайди. Кийим кишига нисбатан турли ҳис-туйғулар уйғотади. Масалан: жиддийлик, вазминлик, жўшқинлик, совуқлик, оддийлик ва бошқалар.

Дунё таълим тизимида таълимни ривожлантириш бўйича кўплаб тадқиқотлар, лойиҳалар олиб борилмоқда, айниқса бўлажак ўқитувчиларнинг педагогик касбий тайёргарликнинг барча компонентларини ривожлантиришга катта аҳамият қаратилмоқда. Мамлакатимизда ҳам педагогик касбий компетенцияларни ривожлантириш механизмларини такомиллаштириш мақсадида таълим муассасаларида замонавий моддий техник база яратилган ҳамда инновацион таълим дастурлари ишлаб чиқилган. Глобаллашув ва ҳалқаро интеграциянинг ривожланиши, ижтимоий иқтисодий муносабатларнинг кенгайиши билан боғлиқ ҳолда касбий компетенциялар бўйича ахборотларнинг ҳам тезкор алмашиш имконини берадиган механизмлар

зарур бўлмоқда ва бу масалалар мазкур мавзунинг долзарбилигини белгилаб беради.

Республикамиз олимларидан Л.Ахмедова, У.Бегимкулов, Н.Муслимов, Б.Рахимов, Н.Тайлоқов, Ш.Шарипов ва бошқалар таълим соҳасида ижтимоий педагогик, акмеологик масалаларга доир илмий тадқиқотлар олиб борган ва бу тадқиқотларда бевосита муайян йўналишлардаги мутахассисларнинг касбий компетенцияларини такомиллаштириш масалалари келтириб ўтилган. Шунингдек, педагогнинг касбий маҳоратини такомиллаштириш масалалари педагог олимлар Ҳ.Абдукаримов, Н.Азизхўжаева, А.Алиев, Ю.А.Ахроров, А.А.Вербицкий, Р.Ҳ.Жўраев, Б.Р.Жўраева, Ж.Ғ.Йўлдошев, С.М.Маркова, Г.М.Махмутова, А.А.Ҳамидов, Ф.Р.Юзликаевларнинг ишларида ҳам тадқиқ этилган.

Мустақил давлатлар ҳамдўстлиги давлатларида В.Байденко, А.Залевская, Э.Зеер, И.Зимняя, О.Поляков каби олимларнинг илмий тадқиқотларида касбий компетенцияларни шакллантириш ва такомиллаштириш усулларини турли жараёнларда таҳлил қилиш ва тизимлаштириш масалалари кўриб чиқилган.

Олий таълим муассасаларидаги ўқув-тарбия жараёнини модернизациялаш, педагог мутахассислар тайёрлаш тизими сифат даражасини оширишда бўлажак ўқитувчиларнинг касбий компетентлигини ривожлантириш, уларни соҳага оид замонавий касбий билим, малака ва кўникмалар билан қуроллантириш, илмий-техник инновациялардан мустақил равишда, ижодий фойдаланиш ҳамда истиқболли вазифаларни ҳал қила олиш қўникмаларини ривожлантириш муҳим вазифалардан саналади. Олий таълим тизимини модернизациялаш (ингл. modern – янгиланган, замонавий, тезкор ўсиш) таълим жараёнига нисбатан инновацион ёндашувни талаб этади. В.А.Сластенин педагогик жараёнга инновацион ёндашишни ўқитувчи ва талабаларнинг ҳамкорликдаги фаолиятини ташкил этиш, ўқитиши ва тарбиялашнинг мақсади, мазмуни ва шаклига янгилик киритиш билан изоҳлайди.

«Компетентлик» тушунчаси таълим соҳасига психологик илмий изланишлар натижасида кириб келган. Вазирлар Мақкамасининг 2017 йил 6 апрелдаги 187-сон қарори билан тасдиқланган Умумий ўрта таълимнинг Давлат Таълим Стандартида компетенция тушунчасига мавжуд билим, кўникма ва малакаларни кундалик фаолиятда қўллай олиш қобилияти сифатида таъриф берилган.

Психологик нуқтаи назардан компетентлик «ноанъанавий вазиятлар, кутилмаган ҳолатларда мутахассиснинг ўзини қандай тутиши, мулоқотга киришиши, рақиблар билан ўзаро муносабатларда янги йўл тутиши, ноаниқ вазифаларни бажаришда, зиддиятларга тўла маълумотлардан фойдаланишда, изчил ривожланиб борувчи ва мураккаб жараёнларда ҳаракатланиш режасига эгалик»ни англатади. Юқоридаги фикрлардан



келиб чиқкан ҳолда компетентлик бу инсоннинг мавжуд билим ва хаётий тажрибаларга таянган ҳолда маълум бир муаммони ҳал этишга доир иқтидори деган холосага келиш мумкин.

Олий таълим муассасаларидаги ўқув жараёнига инновацияларни татбиқ этишдаги муҳим компонентлардан бири – ўқитувчининг касбий компетентлиги ва инновацион фаоллиги ҳисобланади. Касбий компетентлик тушунчасига нисбатан илмий доирада турли муносабатлар илгари сурилади. У меҳнат субъектига нисбатан аниқ фаолият талаблари ёки айнан, субъектнинг аниқ фаолиятнинг ўзига хос жиҳатларига нисбатан муносабатини тавсифловчи хусусият сифатида қўлланилади. Масалан, тадқиқотчи олим Э.Ф.Зеер касбий компетентликнинг функционал тараққиётини тадқиқ қилиш касбий камолотга эришиш чоғида компетентликнинг турли кўринишлари интеграциялашиб боришини ва уларнинг касбий муҳим шахс сифатлари билан алоқаси қучайиб боришини қўрсатади. Хусусан, касбий компетентликнинг асосий даражаларига касбий тайёргарлик ва тажриба, ўзини-ўзи англаш, ўз кучига ишониш, ўзга инсонлар томонидан қўрсатилган камчиликларни тўғри қабул қилиш ва шу каби бошқа касбий камолотни белгилаб берувчи шахс хусусиятларини киритади. Юқорида қайд этилган фикрларни таҳлили педагогнинг касбий компетентлигини шахсий, ижтимоий, креатив, методик компетентлик каби қатор ўзига хос хусусиятлар мажмуаси сифатида тўлиқ изоҳланишига имкон беради.

Касбий компетентликда мутахассис томонидан касбий фаолиятни амалга ошириш учун зарур бўлган билим, кўникма ва малакаларнинг эгалланиши ва уларни амалда юқори даражада қўллай олиниши назарда тутилади. Бу тушунча бўйича турлича таъриф ва ёндашувлар мавжуд. Н.М.Муслимовнинг фикрига кўра, «компетентлик» (ингл. «competence» – «қобилияят») – фаолиятда назарий билимлардан самарали фойдаланиш, юқори даражадаги касбий малака, маҳорат ва иқтидорни намоён эта олишни ифодалайди.

В.И.Андреевнинг фикрича, компетенция маълум ўқув, касбий ва бошқа мажмуавий масалаларни ҳал қилишда намоён бўлувчи, ривожланиб берувчи интеграл қўрсаткичлар бўлиб, у шахснинг ижобий мотивация, билим, маҳорат, иқтидор ва ижодий фаолият тажрибасини ўз ичига олувчи тайёргарлик даражасидир.

Н.В.Тарасова компетенция тушунчасини муаммони ҳал этишга қаратилган билим ва вазият, билим ва ҳаракат ўргасида алоқадорликни таъминлаш имконини берувчи билим, қадриятлар ва идрокка асосланган умумий қобилияят сифатида талқин этади.

Касбий компетентлик мутахассис томонидан алоҳида билим, малакаларнинг эгалланишини эмас, балки ҳар бир мустақил йўналиш бўйича интегратив билимлар ва ҳаракатларнинг ўзлаштирилишини назарда тутади. Шунингдек, компетенция мутахассислик билимларини доимо бойитиб боришини, янги ахборотларни ўрганишини, муҳим

ижтимоий талабларни англай олишни, янги маълумотларни излаб топиш, уларни қайта ишлаш ва ўз фаолиятида қўллай билишни тақозо этади. Касбий компетентлик мураккаб жараёнларда, ноаниқ вазифаларни бажаришда, бир-бирига зид маълумотлардан фойдаланишда, кутилмаган вазиятда ҳаракат режасига эга бўла олишда ва бошқа шу каби ҳолатларда яққол намоён бўлади.

Касбий-педагогик компетентлик эса ўзининг касбий маҳоратини мукаммал ривожлантирган, дарс жараёнини самарали лойихалаштирадиган, уни бошқара оладиган, таълим ислоҳотларини, замон талабларини, инновацион парадигмаларни илғаган ҳолда уларни дарс жараёнида мувафақиятли қўллай оладиган мутахассисларга нисбатан билдирилади. Демак бўлажак ўқитувчи ўз касбий-педагогик билимларини изчил бойитиш, янги ахборотларни ўзлаштириш, давр талабларини чуқур англаган ҳолда янги билимларни излаб топиш, уларни қайта ишлаш ва ўз амалий фаолиятида самарали қўллай олиш орқали касбий компетентликка эришади. Айтиб ўтиш керакки, педагогик касбий компетентлик негизида бир қатор сифатлар мавжуд бўлиб, уларнинг моҳиятини қуидагича изоҳлаш мумкин.

Ижтимоий компетентлик – ижтимоий муносабатларда фаоллик кўрсатиш қўнишка, малакаларига эгалик, касбий-педагогик фаолиятда субъектлар билан коммуникатив мулоқотга кириша олиш.

Махсус компетентлик – касбий-педагогик фаолиятни ташкил этишга тайёрланиш, касбий-педагогик вазифаларни оқилона ҳал қилиш, фаолияти натижаларини реал баҳолаш, БҚМни изчил ривожлантириб бориши бўлиб, ушбу компетентлик негизида руҳий (психологик), услубий, ахборот (информацион), креатив (ностандарт), инновацион ва коммуникатив компетентлик кўзга ташланади. Улар ўзида қуидаги мазмунни ифодалайди:

психологик компетентлик – педагогик жараёнда соғлом психологик муҳитни яратса олиш, таълим олувчилик ва таълим жараёнининг бошқа иштирокчилари билан ижобий мулоқотни ташкил этиш, турли салбий психологик зиддиятларни ўз вақтида англай олиш ва бартараф эта олиш;

услубий компетентлик – педагогик жараённи услубий жиҳатдан оқилона ташкил этиш, таълим ёки тарбиявий фаолият шаклларини тўғри белгилаш, усул ва воситаларни мақсадга мувофиқ танлай олиш, уларни самарали қўллай олиш;

информацион компетентлик – ахборот муҳитида зарур, муҳим, керакли, фойдали маълумотларни излаш, йиғиши, саралаш, қайта ишлаш ва улардан тезкор, мақсадли ва самарали фойдаланиш;

креатив компетентлик – педагогик фаолиятга нисбатан танқидий ва ижодий ёндошиш, ўзининг ижодкорлик малакаларига эгалигини намойиш эта олиш, муаммоларга нисбатан кенг қамровли турли ҳил ечимларни топа олиш;

инновацион компетентлик – педагогик жараённи такомиллаштириш,



таълим сифатини яхшилаш, тарбия жараёнининг самарадорлигини оширишга доир янги ғояларни илгари суриш, уларни амалиётга муваффақиятли татбиқ этиш;

коммуникатив компетентлик – таълим жараёнининг барча иштирокчилари билан самимий мулокотда бўлиш, уларни тинглай билиш, уларга ижобий таъсир кўрсата олиш.

шахсий компетентлик – изчил равишда касбий ўсишга эришиш, малака даражасини ошириб бориш, касбий фаолиятда ўз ички имкониятларини намоён қилиш;

технологик компетентлик – касбий-педагогик БКМни бойитадиган илғор технологияларни ўзлаштириш, замонавий восита, техника ва технологиялардан фойдалана олиш;

экстремал компетентлик – фавқулотда вазиятлар (табиий оғатлар, технологик жараён ишдан чиқсан)да, педагогик низолар юзага келганда оқилона қарор қабул қилиш, тўғри ҳаракатланиш малакасига эгалик ва ҳоказо.

Хулоса ўрнида айтиш керакки, бўлажак технология фани ўқитувчиси касбий-педагогик компетентлигини, хусусан кийимларни лойиҳалаш ва моделлаштиришга оид компетенцияларини ривожлантиришга қаратилган методика педагогик билим, малака ва шахсий сифатларининг айни пайтдаги мавжуд даражаси ва бу компетентликни ривожлантиришга қаратилган истиқбол вазифалар келтирилиб ўтилган бўлиши тавсия этилади. Бу ўз навбатида бўлажак ўқитувчиларнинг касбий жиҳатдан ривожланиш динамикасини турли даражаларда доимий мониторинг қилиб борища самарали фаолият махсуси бўлиб, бунинг натижасида педагог касбий компетентлигига катта эътибор қаратилиши лозим бўлган компетентлик қисмлари яққол кўринади ва бу ривожлантиришга туртки беради.

Адабиётлар:

1. Ўзбекистон Республикасини янада ривожлантириш бўйича Ҳаракатлар стратегияси тўғрисида. Ўзбекистон Республикаси Президентининг ПФ-4947-сон Фармони. 2017 йил 7 февраль.
2. Ўзбекистон Республикаси Вазирлар Маҳкамасининг «Умумий ўрта ва ўрга маҳсус, касб-хунар таълимининг давлат таълим стандартларини тасдиқлаш тўғрисида»ги 187сонли қарори, 2017 йил 6 апрель.
3. Зеер Э.Ф., Шахматова Н. Личностью ориентированные технологии профессионального развития специалиста. – Екатеринбург, 1999.
4. Ишмуҳамедов Р., Мирсолиева М. Ўқув жараённида инновацион таълим технологиялари. –Т.: «Fan va texnologiya», 2014, 60 бет.
5. Муслимов Н.М. Педагогик компетентлик ва креативлик асослари.
6. Жўраев А.Р., «Бўлажак технология фани ўқитувчиларини касбий тайёрлашда дастурлаштирилган таълим воситаларидан фойдаланишнинг дидактик имкониятлари». Замонавий фан, таълим ва тарбиянинг долзарб муаммолари. Электрон журнал. – Урганч. 2019-1.